

## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

3. S. Frontonius, spe diuinæ prouidentiæ, septuaginta viros in desertum trahit.

**urn:nbn:de:hbz:466:1-45653**

tos aggreditur alimentorum curā; cum iam hunc, iam illum allo-  
quitur: *Dic ut lapides isti panes fiant*; cum iubet omnem lapidem Matth. 4.3.  
moueri, vt venter impleatur; cum varias artes docet pecuniae,  
panis, vini parandi; cum denique à se vult disci, quomodo liberi,  
vxor, familia, humana vita sit sustentanda, & cum sexcenta hoc  
genus insanit; gladio aptiore non potest repelli, quām diuinæ Pro-  
videntia Bonitatisque protestatione; quæ clarissimè indicatur  
illis verbis: *Non in solo pane viuit homo, sed in omni verbo, quod pro-*  
*cedit de ore Dei.* Quam artem etiam docuit David, cum esurienti Matth. 4.4.  
dixit: *Iacta super Dominum curam tuam, & ipse te enutrit.* Ne puta Deut. 8.3.  
eum tui oblitum, & ne dicas: *Dereliquit me Dominus, & Dominus ob-*  
*litus est mei.* Numquid obliuisci potest mulier infantem suū, ut non mi- Psal. 54.23.  
sereatur filio uteri sui? et si illa obliita fuerit, ego tamen non obliuiscar tui. Isa. 49.14.

Exemplorum affatim diuinæ paginae subministrant. An- II.  
non enim primum hominem in admodum fructifero horto collo-  
cauit? An non Patriarchæ Iacob filijsque eius, in summa annonæ  
caritate, per Iosephum Ægypti saluatorem, alimenta prouidit?  
An non in ipsa solitudine fontem de petra, panem de nubibus eie-  
cit? & quidem panem sapidissimum? Nam *panem cœli dedit eis*, Ps. 77.24.  
*panem & Angelorum manducauit homo.* An non, tempore tam diu-  
turnæ famis, Eliae corui deferebant panem & carnes manè, similiter 3. Reg. 17.6.  
*panem & carnes vesperi, & bibebat de torrente?* An non eidem postea,  
per piam viduam, in Sarepta Sidoniorum, de mensa prospexit?  
An non, quando ipse Christus diabolum à se reiecit esuriens, qui  
eum lapides comesse volebat, *Angeli accesserunt, & ministrabant ei?* Matth. 4.11.  
An non vel solorum virorum quinque millia quinque panibus  
hordaceis & duobus pescibus satiauit, idem Dominus, in loco de-  
serto, vbi neque furnus erat, neque pistor? Hæc aliisque complu-  
ra diuinæ litteræ prodiderunt. Sed quia exempla, cum delectatio-  
ne, docent, age, alia ex alijs quoque historijs adducamus.

Heribertus Rosvveydus vir eruditus, & ab historijs SS. Pa- III.  
trum clarus, ex D. Hieronymo alijsque antiqua fidei & sincerita-  
tis Scriptoribus, inter varias Seniorum vitas, refert, S. Frontonium, Rosveid.  
quem Martyrologium Romanum 14. April. Vsuardus & Ado, lib. 1. de vita  
Frontonem (non illum S. Petri discipulum, Episcopum Petrago- & verbis Se-  
ricum, sed Alexandriæ Abbatem) nominant, sub Antonino Im- niorum.  
peratore, anno tertio decimo Imperij eius, in Ægypto, cum Mun- 14. Apr. pag.  
dum, tanquam Diomedae hospitium, execratus in solitudinem 238.

profugere vellet, instar diuini magnetis cuiusdam, septuaginta adeò fratres secum traxisse: quibus persuasit, vt nihil secum, praeter minuta olerum semina, & palas sarculosque deferrent, usus illis verbis Domini: *Nolite cogitare, quid manducetis, aut quid bibatis, aut quo operamini: haec enim omnia gentes mundi querunt.* Quarite

*Matth. 6. 31. primum regnum Dei, & institutum eius, & haec omnia adiicien ur vobis.*

*Teneamus promissum, & inueniemus in nobis opus Domini conseruatum.*

Hac oratione, diuinæque Prouidentiæ & Bonitatis sponsione, incensi septuaginta viri, instructum ab omnibus rebus necessarijs, monasterium, commoditates maximas, liberales piorum hominum manus, & obuia auxilia, uno verbo, cellam & culinam, penum & focum deseruerunt; & loca inulta, deserta, aspera, vix ipsis feris habitanda adierunt. Ibi, vt omne principium feruet, vigilijs, precibus, ieiunijs, laboribus varijs Deo cupidè seruierunt, tantò cælo viciniores, quantò remotiores à mundo. Angelos dixisse. Sed quò non penetrat, seu tentator, seu tentatio? Multos inclaustris frangit asperitas, multos fatigat diuturnitas: & non rarò primi spiritus religionis, cum tempore, intepescunt, aut omnino cadunt. Quin Sathan Tartareus ipse quoque cibum electum affectat, & Cerbero, si bolum adipiscatur non quotidianum, optatò accidit. Sed omnium periculosisima pugna est, cum hostis simulat amicum; qui & Christū in deserto aggressus, amicis in speciem verbis, inimicissimè voluit præcipitare. Tametsi enim non vult Deus otiosis nobis contornices assatas in os immittere, sed iubet nos sedulò orare: *Panem nostrum supersubstantialem, vel, vt est apud Lucam, quotidianum, da nobis hodie;* immò vult nos ad aratrum manum applicare, vt in sudore vultus nostri, vescamur pane nostro, vt impleatur illud: *maledicta terra in opere tuo: in laboribus comedes ex ea, cunctis diebus vita tua: non vult tamen nos totos esse, in pastu querendo, more pecudum nonnullarum.* Quin sacratores seruos suos, extra petitionem memoratam, non vult cogitare aut dicere: *Quid manducabimus, aut bibemus, aut quo cooperiemur?*

*Matth. 6. 11.*

*Luc. 11. 3.*

*Genes. 3. 19,*

*Matth. 6. 31.*

IV.

Per hanc ergo ipsam etiam machinam tam sancto cœtui expugnando variae vndique & vndique, ex Orco, ad signa cohortes confluxerunt. Inopia submisit famem, inedia imbecillitatem, caro tristitiam. Dæmon, postquam Christi athletas vidit famelicos, & esuriones factos, quasi in inclinatam aciem, ita saxa locutus iden-